

La popolo en la penso kaj la patrujo en la koro

Image not found or type unknown



Foto: Studio Revolución

Havano, sep 16 (RHK) En la dekunua epizodo de la podkasto *El la Prezidanteco*, la kuba ŝtatestro Miguel Díaz-Canel interŝanĝis kun vasta reprezentado de la partoprenantoj en la Olimpikaj kaj Paralimpikaj Ludoj de Parizo 2024, sportistoj, trejnistoj kaj administrantoj dividas pri teknikaj strategioj kaj spertoj kaj pripensas limojn, kiuj influas la kuban sporton hodiaŭ kaj kiel solvi ilin.

«Vi donis al ni la plej grandajn ŝojojn de tre malfacila somero, kaj vi honoris eĉ pli la historion de la revolucia sporto kaj la grandan laboron faritan de la Revolucio kun la gvidado de tiu grandega atleto, kiu estis Fidel, kiu ankaŭ estis granda iniciatinto de la kuba sporto,» diris Díaz-Canel komence de sia podkasto *El la Prezidanteco*.

En la Palaco de la Revolucio, li parolis kun granda reprezentado de la partoprenantoj en la Olimpikaj kaj Paralimpikaj Ludoj de Parizo 2024, akcepto kiu formis, samtempe, la dekunuan epizodon de la komunika propono de la Unua Sekretario de la Centra Komitato de la Partio kaj Prezidanto de la Respubliko.

En la kunveno, al kiu ĉeestis membroj de la Politika Buroo, Esteban Lazo Hernández, prezidanto de la Nacia Asembleo, kaj Manuel Marrero Cruz, ĉefministro, kaj aliaj reprezentantoj de la Partio, la Registaro kaj la Kuba Olimpika Komitato, Díaz-Canel dankis " al ĉiuj sportistoj, kiuj reprezentis Kubon en tiuj aranĝoj, ĉu ili akiris medalojn aŭ ne, ĉar ili ĉiuj faris grandan penon, ili ĉiuj agis digne, kun amo al la sporto kaj al la kuba popolo", li diris al ili.

Vi, li emfazis, scias pli bone ol iu ajn, ĉar vi suferas pro tio, pri la mankoj, kiujn ni havas, pri la kondiĉoj por trejnado, pri la kvalito de la iloj, per kiuj vi devas prepariĉi, pri la manko de kapabloj, realaj situacioj, kiuj influas vin.

Tial, "precize, ĉiu venko havas tiom da valoro, do ni gratulas vin nome de la Partio, la Nacia Asembleo, la Registaro kaj precipe nome de la popolo de Kubo", diris la prezidanto al la sportistoj kaj grupoj de teknikistoj en interĉanĝo kiu inkludis la partoprenon de komisaroj, medicinaj teamoj, psikologoj kaj aliaj membroj de la sporta movado.

Specialan saluton li dediĉis al la multfojaj ĉampionoj Mijaín López kaj Omara Durand, kiuj kundividis kun li la mikrofonojn de la dekunua epizodo de El la Prezidanteco, kiuj, emfazis la ĉtatestro, gvidis la olimpikan kaj paralimpikan teamojn en Parizo 2024.

Fonto: Prezidanteco

<https://www.radiohc.cu/index.php/eo/noticias/nacionales/365262-la-popolo-en-la-penso-kaj-la-patrujo-en-la-koro>



Radio Habana Cuba